

# ԺՈՂՈՎՈՒՐԴՆԵՐԸ

# ՅԱՂԹԱԿԱՆ



1921 ՓԵՏՐ. 18-Ի ԺՈՂՈՎՐԴԱԿԱՆ ԸՆԴԱՋՈՒՄԸ ԱՊԱՑՈՑՑՆ Է  
ՀԱՅ ԺՈՂՈՎՐԴԻ ԱԶԱՏ ԱՊՐԵՆՈՒ ԿԱՄՔԻ

**1921-1980**

59-ՐԴ ՏԱՐԵՂԱՐԶ

ՓՈԹՈՐԻԿ



ՄԻ ՔԱՆԻ ԼՈՒՍԱԲԱՆՈՒԹԻՒՆՆԵՐ

# ՓԵՏՐԻԱՐԵԱՆ ԱՊՍՏԱՄԲՈՒԹԵԱՆ ՄԱՍԻՆ

Մի հատուած Բ. Փափազեանի «Պատմութեան նենգափոխումը» գրքից, արեւելահայերէնի դարձուած.



ՓԵՏՐԻԱՐԵԱՆ ԱՊՍՏԱՍԲՈՒԹԵԱՆ ԱՌԹԻԻ ԿԱՏԱՐԻԱԾ  
ՄԵՂԱԴՐԱՆՔՆԵՐԸ Զ. Յ. ԴԱՇՆԱԿՑՈՒԹԵԱՆ ՅԱՍՑԷԻՆ

«Դաշնակների փետրարեան աւանտուրան տեղական բնոյթի երեսոյթ չէր: Այն խնամքով նախապատրաստեց իմպերիալիստական պետութիւնների եւ Թիֆլիզում կենտրոնացած հակառետլուցիայի կողմից՝ Ադրբէյջանում եւ Հայաստանում Սովետական կարգերը տապալելու եւ Անդրկովկասից Սովետական Ռուսաստանի դէմ նոր արշաւանք կազմակերպելու նպատակով» (Ս. Խ. Կարապետեան, «1920 թականի հայթուրքական պատերազմը եւ Սովետական Ռուսաստանը», էջ 52):

«Դաշնակները, ինչպէս նշեց, հէնց թուրքերի օգնութեամբ կազմակերպեցին 1921 թականի Փետրարեան աւանտուրան...» (նոյն աղբիւրը, էջ 58)

«Դաշնակցութիւնն աշխատում է Փետրարեան արկածախնդրութիւնն արդարացնել խորհրդային իշխանութեան տաժ խոստումը դրժելով եւ «Կացին»-ի առասպելով» (Բէյրութի Հնչակեան օրգան «Արարատ», 5 մարտ 1968):

«Խորհրդային Հայաստանի եւ նրա բարեկամ Խ. Ռուսաստանի դէմ ապստամբելու յաակնութիւն վերագրել Դաշնակցութեան՝ իրապէս որ չափազանցութիւն պիտի լինէր: Այս կազմակերպութիւնը, հակառակ իր արկածախնդիր ուղիին, չպիտի համարձակէր հողմաղացների դէմ նոր դոնքիշոթութիւն փորձել: Իրեն, ինչպէս անցեալում, նմանապէս այս առթիւ խորհրդաու եւ առաջնորդող հանդիսացան համաձայնականները, ինչպէս նաեւ, վերջին պահին, «զինակից» թուրքը» («Արարատ», 5 մարտ 1968, խմբագրական):

Իրար նմանող, իրար կրկնող այս մէջբերումները,

կարետրագոյն մասն են կազմում այն մեղադրանքների, որոնք Փետրարեան ապստամբութեան վերաբերեալ ուղղում են Դաշնակցութեան եւ որոնք կազմում են միտումնաւոր հիմնական նենգափոխումը:

Այդ բոլոր պնդումներն ուզում են ասել՝ 1.- Համայնավար վարչաձեւը ոչ մի խստութիւն եւ բռնութիւն չի գործադրել, ոչ մի կողոպուտ եւ գողութիւններ չեն կազմակերպւել եւ ոչ մի ժողովրդական դժգոհութիւններ նոր Խորհրդայնացած Հայաստանում չեն առաջացրել:

Այդ բոլորը Դաշնակցութեան կողմից ասած պատրուակներ են՝ որպէսզի Դաշնակցութիւնը արդարացնի իր արկածախնդրութիւնը՝ Փետրարեան ապստամբութեան վերաբերեալ:

2.- Փետրարեան ապստամբութիւնը ժողովրդական ապստամբութիւն չէր, այլ դրսից թելադրած ու ասած, Դաշնակցութեան կողմից կազմակերպած մէկ ապստամբութիւն էր, նպատակ ունենալով իշխանութեան տիրանալ:

3.- Ասում են թէ Փետրարեան ապստամբութեան թելադրանքը եկել է՝ համայնավար Ռուսաստանի հակառակորդներից, այսինքն արեւմտեան պետութիւններից եւ Դաշնակցութեան «զինակից» թուրքիայից:

4.- Դաշնակցութեան համագործակցութիւնը թուրքիայի հետ աւելի պարզ եւ հասկանալի դարձնելու համար, «Արարատ»-ը ամենայն պաղարհինութեամբ յայտարարում է թէ, Դաշնակցութիւնը «...Ջարդարար թուրքին նախընտրում էր Խորհրդային Ռուսաստանից եւ պատրաստ էր սատանայի հետ զինակցել վերատիրանալու համար Երեւանի աթոռներին՝ հոգ չէ թէ թրքական սփններով»։ (Խմբագրական «Արարատ»-ի, 4 մարտ 1968):

Այս բոլոր ասածները հինգ բոպէի քննութեան եւս չեն կարող դիմանալ, բայց որովհետեւ սովորութիւնն այդ ասածքները քննութեան չառնելն է, այլ այդ անճիշտ յայտարարութիւնները, որպէս պատգամ կրկնելն է, որոնք ոչ միայն Դաշնակցութեան են վարկաբեկում այլ համայն հայ ժողովուրդը:

Քննենք, մէկ անգամ եւս:

Նախ մի քանի իրողութիւններ, որոնք վկայաբերած են օր-օրին դէպքերն ապրած եւ մինչեւիսկ ապստամբութեան մասնակից Արմէն Սեւանի «Փետրար 18-ի Յեղափոխութիւնը» գրութիւնից, գրած 1921ին իսկ հրատարակած՝ «Վէմ» երկամսեայ թերթի 1936 Յունար-Փետրար 13-րդ թում, էջ 87-104:

1-Յեղկոմը Հայաստան մտաւ 1920 Դեկտեմբեր 6-ին եւ արժանացաւ բարեացակամ վերաբերումի:

2-Շուտով սակայն բռնութիւն ու հալածանք սկսեց երկրի մէկ կողմից միւսը: Համայնավար տղայամիտ գործիչներն ուզում էին Հայաստանի մէջ գործադրել իրենց այլուր տեսածները:

«Ազգային բոլոր արժէքները անարգեցին, իբրեւ բուրժուական ստեղծագործութիւններ»:

«... Հայ լեզուն անհետացաւ բոլոր պետական եւ հասարակական հիմնարկութիւններից»:

«Մամուլը դարձաւ բոլշեփկեան մենաշնորհ, մտածելը համարեց ոճիր»:

«Լրգրանի հետ կնքած համաձայնագիրը մոռացութեան տրեց ամբողջութեամբ»:

«Ամենուրեք բռնագրաւումներ, պաշտօնական թալան. զէնքի սպառնալիքով խլեցին ժողովրդի ապրուստի վերջին հնարատրութիւնները, «նւէր»-ներ ուղարկելու համար Բագի եւ Մոսկայի բանտրութեան եւ կերակրելու համար Հայաստան բերած ուսական զօրքին: Ամենայայտնի չքատրի տնից աշխատեցին խլել հացահատիկի եւ մթերքի ամենաչնչին քանակն իսկ, ձեռք բերած ամենաչարքաշ աշխատանքի եւ զոհողութեան գնով»:

«Չտեսնած, չլսած բռնութիւն էր: Հայաստանի մերկ բնակչութիւնից խլեց հագուատեղէնի «աւելորդ» նրկատած քանակը»:

«Ամենուրեք հայ գիւղացուց խլեցին իր գոյութեան պահպանման կենսական միջոցները. անասունները մորթեցին ուս զօրքի համար. մի մասն ուղարկեց Ռուսաստան: Յուցակագրեցին ամենավերջին հաւն ու հակիթը»:

«Բոլոր մասնատր գրադարաններն ու գրքերը բռնագրուեցին իբրեւ թէ պետական մատենադարանը ճոխացնելու բայց փաստօրէն բաժանեցին կոմունիստ ընկերների միջեւ»:

«Վրայ հասաւ Հայաստանի բանակի սպաների հաւաքական աքսորը, ամենատմարդի ձեռով եւ ամենատաժանելի պայմանների մէջ (1921 Յունար 24): Այս դէպքից յետոյ ժողովրդական դժգոհութիւնը փոխեց համատարած զայրոյթի եւ ատելութեան: Ամեն կողմից, քաղաքներից թէ գիւղերից հասնող տեղեկութիւնները ցոյց էին տալիս, թէ արդար զայրոյթի պայթումը անխուսափելի է»:

«Բռնութիւնները շարունակեցին եւ հասան իրենց խստութեան գագաթնակէտին. սպաները աքսորել էին, իբ-

րեւ «վտանգատր» տարր, մնում էր մտաւորականութիւնը, պէտք էր նրան էլ չէզոքացնել ժողովրդից, առնազն աքսորելով, որոշ տարրեր բնաջնջելով: Այդ նպատակով, Փետրուար 9-ի գիշերը կատարեցին ընդհանուր ձերբակալութիւններ. մէկ գիշերայ մէջ բանտ նստեցին մեր բոլոր ականաւոր դէմքերը»:

«Սկսել էին տարածել տխուր շուկներ բանտարկեալների ճակատագրի մասին. որոշ մարդկանց գնդակահարած լինելը համարում էր կասկածից դուրս: Այդ բոլորի մասին այլեւս կասկած չմնաց, երբ Երեւանի պատերին կայրցին 21 գնդակահարածների ցուցակը: Այդ պատկերի առջեւ ժողովրդի ցասումը հասաւ իր լրումին. ամեն ընտանիք բանտում մէկին ունէր, որի ճրագը ըրպէից ըրպէ կարող էր մարել: Գաւառը պարզեց ապստամբութեան դրօշը, Փետրուար 16-ի առաւօտից մինչեւ 17-ի իրիկունը ամբողջ գաւառը ազատագրած էր»:

Եթէ այս վկայութիւնները առարկութեան ենթարկեն եւ այդ բոլորը կողմնակալ վկայութիւններ համարեն, քանի որ նրանց հեղինակը ժամանակակից եւ մասնակից էր Փետրուարեան ապստամբութեան եւ դաշնակցական, այդ պարագայում վկայութիւններ տանք համայնավար պատմագիրների կողմից գրած:

Բորեանը, իր «Արմենիա» գործի մէջ, տպագրած Մոսկայում, գրում է հետեւեալը (հատոր Բ., էջ 126). «Անկանոն գրատմները, բռնագրատմը գրեթէ ամեն բանի, եւ զինուորական զգեստի, եւ տնայնագործական մասնաւոր եւ այլ կարգի սանդկոթերի, եւ ամեն կարգի ջրաղացների, վարսավիրային գործիքների, գիւղացիական փեթակների, ճերմակեղէնի, հագուստի, տնային կահ կարասիների (առանց քաղաքացիների դասակարգային ծագումը նկատի առնելու) եւ այլն, - այս ամենը, հասկանալի է ինքնին, երբեք դասակարգային բնոյթով միջոցառումներ չէին, այլ ընդհակառակն, դրանք արտայայտութիւնն էին այն բանի, որ իշխանաւորները չեն հասկացել ու չեն ըմբռնել ինչպէս խորհրդային քաղաքականութեան բնոյթը, այնպէս նաեւ համայնավար ու դասակարգային գաղափարաբանութիւնը: Եւ բնական է որ այս միջոցառումները, որոնք գործադրւում էին ճնշումներով, հիմնական պատճառն էին Փետրուարեան ապստամբութեան՝ երկրի մէջ»:

Համայնավար Բորեանի գրքից կատարած այս մէջբերումն առել ենք Վ. Նաւասարդեանի «Բոլշեւիզմը եւ Հ. Յ. Դաշնակցութիւնը» գրքից, էջ 554-555: Նոյն մէջբերումի

Թարգմանութիւնը կարելի է գտնել նաեւ Գ. Լազեանի «Հայաստանը եւ Հայ Դատը հայ եւ ուրա յարաբերութիւններու լոյսին տակ» հատորի 265-րդ էջի մէջ: Այս վկայութեան ընդգծելի բառերը հետեւեալներն են՝ «Այս միջոցառումները հիմնական պատճառն էին Փետրարեան ապստամբութեան»:

Ո՛չ արտաքին քաղաքականութեան սատրանքները, ո՛չ թուրքի մատը, ո՛չ Դաշնակցութեան արկածախնդրութիւնը, ո՛չ իշխանատենչութիւնը, ո՛չ փառամոլութիւնը, ո՛չ էլ օտարազգի օժանդակութիւններով «Երեւանի Աթոռներին» տիրանալու երազանքը. այլ պարզ ու միայն՝ նոր հաստատած համայնավարական վարչաձեւի աներեւակայելի բռնութիւններն ու հակաժողովրդական միջոցառումները:

Եթէ Բորեանի վկայութիւնները հին համարեն, թէեւ անշուշտ թականով շատ աւելի մօտ են դէպքերին, քան թէ այսօրայ գրածները, կարելի է եւ պէտք է դիմել նոր հրատարակութիւնների եւ, հէնց համայնավարական պատմագրութեան մէջ յայտնած խոստովանութիւններին, որ պէսզի փաստեն թէ Փետրարեան ընդվզումը մէկ ժողովրդական ապստամբութիւն էր, արդիւնք անպատմելի բռնութիւնների, որոնք գործեց ժողովրդի դէմ: Երեւանի մէջ նոր լոյս տեսաւ, 1967-ին «Հայ ժողովրդի պատմութիւն» վերնագրով, մեծահատոր մի գիրք, հրատարակութիւն հայկական Ս. Ս. Հ. գիտութիւնների Ակադեմիայի Պատմութեան ինստիտուտի: Խմբագրութեամբ մէկ խմբագրական մարմնի, որի գլխաւոր խմբագիրն է Յովհաննիսեան Ա. Գ.: Լոյս տեսած այս հատորի 7-րդ թիւը թէեւ առաջինն է որ լոյս է տեսնում հրատարակելիք հատորներից պարունակում է հայոց պատմութեան վերջին շրջանը, 1917-ից 1945: Սոյն հատորի հինգերորդ գլխի տակ «Քաղաքացիական կռիւները Հայաստանում 1921-ին» վերնագրով, «Դաշնակցականների հակայեղափոխական խռովութիւնը» ենթավերնագրի տակ, էջ 137, հետեւեալ պարբերութիւնը կայ.-

«Փետրարեան աւանտուրայի նախօրեակին Հայաստանում իրադրութիւնը որոշ չափով բարդացել էր նաեւ այն պատճառով, որ ռազմական կոմունիզմի քաղաքականութեան կիրառման ընթացքում, անհրաժեշտ չափով հաշի չառնելով հանրապետութեան առանձնայատկութիւնները, տեղերում թոյլ էին տրուել մի շարք շեղումներ, սխալներ, որոնք օգտագործեցին դաշնակցականների կողմից: Այդ արտայայտեց նրանով, որ խախտելով ռազմական կոմունիզմի սկզբունքները, շատ դէպքերում տեղական աշխատողները վերցնում էին ոչ միայն աշխատատեղ գիւղացիութեան



պարենային աւելցուկը, այլեւ ամբողջ պաշարը, որը դժգոհութիւն էր առաջ բերում: 1921 Յունւարին նախկին բանակի սպաների արտաքսումը հանրապետութեան սահմաններից նոյնպէս դժգոհութիւնների առիթ տւեց»: Սրանից աւելի պարզ ու շեշտած կերպով դժար թէ հաստատուի այն ինչ որ տասնամեակներ շարունակ կրկնել է Հ. Յ. Դաշնակցութիւնը, որ եթէ Հայաստանի նոր վարիչները (համայնավար վարիչները) ժողովրդի հանդէպ բաւարար գուրգուրանք եւ խոհեմութիւն ցոյց տային իրենցից, ոչ մի ձեւի խռովութիւն եւ ապստամբութիւն տեղի չէր ունենայ: Ժողովրդի անունով խօսողները պարտատր են նաեւ գործել ժողովրդի համար. այդ պարագային միայն ժողովրդականութիւն կունենան եւ ժողովուրդը չի ապստամբի:

Փետրւարեան ապստամբութեան ժողովրդական բռնույթի մասին իր ժամանակաշրջանում վկայել է արեւելահայ բանաստեղծ՝ Յովհաննէս Թումանեանը, Ս. Օրջոնիկիցէին ուղարկած իր երկար հեռագրի մէջ, Երեւանից Թիֆլիզ տըրւած, 1921 Մարտ 24-ին, որտեղ պարզ ձեւով ասում էր, թէ՛ «Շարժումը սկսել է գիւղացիութեան մէջ, զանազան շրջաններում տարածել-հասել է Երեւան եւ գրաւել է մտատրականութիւնը» (տեսնել Ս. Վրացեանի «Հայաստանի Հանրապետութիւն» հատորը կամ «Հայաստան բոլշեւիկեան մուրճի եւ թրքական սալի միջեւ» գիրքը, էջ 165):

Այնքան բացայայտ կերպով անվարչազէտ վերաբերմունքի արդիւնք էին ժողովրդական դժգոհութիւնները եւ ապստամբութիւնը, որը հետագային, Լենինը ինքը իր ընկերների սաստեց իրենց ծայրայեղութեան համար, երբ Երեւան ուղարկեց Ալ. Միասնիկեանին, մի նամակով, որտեղ ի միջի այլոց, գրում էր.-

«Աւելի մեղմութիւն, զգուշութիւն, զիջողութիւն դէպի մանր բուրժուազիան, մտատրականութիւնն ու յատկապէս գիւղացիութիւնը»:

Կամ, մի քիչ այնկողմ. «Աւելի դանդաղ, աւելի զգուշատր, աւելի սիստեմատիկ փոխանցում դէպի ընկերվարութիւնը, ահա թէ ինչ է հնարատր եւ անհրաժեշտ»:

Նամակը իր ամբողջութեան մէջ մի մեղադրանք է ուղղած օրայ համայնավար ղեկավարութեան, իր գործելակերպի համար, որը ժողովրդային ընդվզումի պատճառ էր դարձել (տեսնել Գ. Լազեանի «Հայաստան եւ Հայ Դատը» գրքի 279-281-րդ էջերը, Լենինի նամակի ամբողջական թարգմանութիւնը):

Ապստամբութեան ալիքը այնքան ժողովրդական հիմ-

քեր ունէր, որ սրբեց, տարաւ զէնքի ուժին յենաժ իշխանաւորներին, որոնք ետ կարողացան վերադառնալ դարձեալ յաւելեալ զէնքի ուժով եւ ուսական բանակներով միայն:

Ոչ մի կասկած, որ պատմականօրէն, նախընտրելի էր որ արինաքամ Հայաստանն ու հայ ժողովուրդը Փետրարեան ապստամբութեան ցնցումներին չենթարկէին: Բայց պէտք է ճշտել պատասխանատուութիւնները, պէտք է արձանագրել երկիրն ու ժողովուրդը ամեն գնով այդ դժբախտ կացութեան առաջնորդողների անունները, եւ այդ անունները Հ. Յ. Դաշնակցութեան շարքերում չեն, Լենինի կամ Բորեանի կողմից մեղադրանքները նրանց վրայ ուղղած չեն, երկուսն էլ Ոչ Դաշնակցական վկաներ են: Մեղադրանքները ուղղած են նրանց, որոնք համայնացում, պետականացում, համայնավարութիւն փորձեցին խաղալ մէկ թոյլ երկրի մէջ, յոգնաբեկ ու աղքատ մէկ ժողովրդի գլխին, ամեն գնով նրան մղելու համար ապստամբութեան, որպէսզի արեան մէջ խեղդելով ապստամբութեան փորձը՝ սարսափի մթնոլորտ ստեղծեն՝ եւ այդ սարսափի վրայ կարողանան երկրի մէջ մի մնայուն իշխանութիւն հաստատել, հակառակ իրենց անժողովրդականութեան: Այդ սարսափի քաղաքականութիւնը հետագային Ստալիններն եւ Բերիաներին առաջնորդեցին արեւստի բարձրութեան. սակայն առաջին փորձերը Հայաստանում հայ մարդիկ կատարեցին:

Դժբախտաբար իրենց համար, եւ ի պատիւ հայ ժողովրդի, սարսափները ոչ թէ թուլացրին հայ ժողովրդին, այլ նրան առաջնորդեցին ամեն գնով ազատել նման լծից, Փետրարեան յաղթական ապստամբութեան միջոցով: Ճիշտ է, երկար չղիմացաւ նորից անկախութեան հասած Հայաստանը, քանի որ ոչ ոք միջազգայնօրէն այդ օրերին տրամադիր չէր նրա անկախութեան իրաւունքը պաշտպանել զինուորական կամ բարոյական ճնշումներով. բոլորը զբաղած էին իրենց գործով, սեփական շահերի ապահովման համար, սրբան ու նրան սիրաշահելու աշխատանքով, եւ այդպիսով Հայաստանը լքած էր իր ճակատագրին, եւ շուտով տեղի տւեց ուսական բանակների դիմաց. Սակայն գոնէ ունեցաւ հիմնական երկու արդիւնք,- մինչեւ այդ գործադրած համայնավար դեկավարութեան դաժան վերաբերմունքի մեղմացումը եւ հայ ժողովրդի գիտակցութեան մէջ սեփական, ազատ ու անկախ պետութեան պահանջի ամրապնդումը, որպէս միակ ճանապարհ լրիւ գոյութեան եւ ազատ կեանքի:

Այս բոլորի պարզաբանութիւնից յետոյ ո՞ւր է մնում Դաշնակցութեան «Թրքական օրիենտացիան», «Թրքասիրու-

թիւնը», «Թրքական զինակցութեամբ Փետրարեան ապրստամբութեան արկածախնդրութեան մէջ նետած լինելու» առասպելը...:

Այդ շրջանի պետական բոլոր թղթածրարները իր տրամադրութեան տակ ունեցող պետութիւնը ինչպէ՞ս է որ դաշնակ-թուրք գործակցութեան եւ Փետրարեան ապստամբութեան համար նախածրագած ոչ մի փաստ չի կարող հրապարակել, եւ գոհանում է 1920 Նոյեմբեր 20-ի Երեւանի «Յառաջ» թերթի գրած խմբագրականի մի քանի տողերին, այդ ներկայացնելով որպէս փաստ Դաշնակցութեան «Թրքական օրիենտացիա»-յի: Արդեօք մէկ հատ պաշտօնական գրութիւն կամ գաղտնի բանակցութիւններ բացայայտող փաստաթուղթ գոյութիւն ունի՞: Ո՛չ, չկայ:

Յիշատակում է այն իրողութիւնը, թէ՛ Հայաստանի Փրկութեան Կոմիտէն, Փետրարեան ապստամբութիւնից յետոյ իշխանութեան գլուխ գալով, դիմել է թրքական կառավարութեան եւ խնդրել՝ որ գերի տարած հայ Սպաները Հայաստան վերադարձեն: Արդեօք Հայաստանի կառավարութիւնը պէտք է անտարբէր գտնւէր գերի ընկած իր ըսպաների ճակատագրի հանդէպ, չպէ՞տք է փորձեր նրանց ազատման եւ տուն վերադարձման ուղղութեամբ: Թէ ոչ, պէտք է վարւէր այնպէս, ինչպէս վարւեց Յեղկոմի կառավարութիւնը.- պէտք է աքսորէր հայ սպաներին եւ կամ թողնէր թրքական բանտերում փտեն...:

Յիշատակում է այն իրողութիւնը, թէ՛ Թուրքիայի ներկայացուցիչը Երեւանում, Բահաէդդինը՝ կապ էր պահում Փրկութեան Կոմիտէի կառավարութեան եւ Թրքական հրամանատարութեան միջեւ (ապստամբութիւնը յաջողւելուց յետոյ): Ինչո՞ւ է յիշատակում այս իրողութիւնը: Ալեքսանդրապոլի դաշնագիրը կնքած, պարտած Հայաստանի կառավարութիւնը արդեօք կարո՞ղ էր կապերը խզել Թուրքիայի հետ... այն էլ Փետրարեան ապստամբութիւնից, ամբողջովին տկարացած Հայաստանի՝ անորոշ դրութեան մէջ գտնուող մէկ կառավարութիւն...:

Առպակաս երեխաայամտութիւն պիտի լինէր նման մի քայլի սպասելը որւէ հոսանքի պատկանող կառավարութիւնից:

Փետրարեան ապստամբութիւնը ներկայացում է նաեւ որպէս պատրակ Սովետական Ռուսաստանի կառավարութեան կողմից Կարսն ու Արտահանը ազատագրել չկարողանալու համար Ս. Խ. Կարապետեանի, գրքոյկի մէջ «1920 թականի Հայ-թրքական պատերազմը եւ Սովետական Ռու-

սաստանր, էջ 58 գրած է «Բացի այդ, հայ ժողովրդի առջեւ Դաշնականների մեծագույն յանցագործութիւնն այն էր, որ երբ Սովետական Հայաստանի եւ Սովետական Ռուսաստանի կառավարութիւնները վճռական կերպով յայտարարեցին, թէ չեն ընդունում 1920 թականի Դեկտեմբեր 2-ին Ալեքսանդրապոլում կնքած դաշնագիրը եւ պահանջում են անմիջապէս բանակցութիւններ սկսել թուրքերի կողմից զավթած հայկական շրջանները (Կարսի մարզ, Ալեքսանդրապոլ եւ այլն) ազատելու համար, այդ ժամանակ դաշնակները, ինչպէս նշեց, հէնց թուրքերի օգնութեամբ կազմակերպեցին Փետրարեան աւանտուրան, որի հետեւանքով Հայաստանի Սովետական կառավարութիւնը ստիպւած եղաւ թողնել Երեւանը, որով եւ ընդհատեց Սովետական Հայաստանի կառավարութեան պայքարը թուրքերի կողմից զավթած հայկական տերիտորիան ազատագրելու համար»:

Սրանք յայտարարութիւններ են, որոնց կարող է հաւատալ միամիտ ընթերցողը, եթէ լաւապէս ուսումնասիրած չլինի այդ թականների հայոց պատմութիւնը, ուս-թրքական յարաբերութիւնների ընթացքը, Ալեքսանդրապոլի 1920 Դեկտեմբեր 2-ի, Մոսկայի 1921 Մարտ 16-ի եւ Կարսի 1921 Հոկտեմբեր 13-ի դաշնագրերը: Յայտարարութիւններով ու վերագրումներով պատմութիւն չի կարելի գրել, միայն շփոթ ու կասկած կը ցանւի:

Հայ երիտասարդը իր մօտիկ անցեալի կենսական եւ կարեւոր դէպքերի վերաբերեալ պարտատու է ունենալ պարզ, յատուկ եւ հիմնատրուած տեսակէտներ: Պէտք է քննի կատարած յայտարարութիւնները:

Քննենք.

1.- Խորհրդայնացած Հայաստանի արտաքին գործերի ժողովրդական կոմիսար Ա. Բէկզադեանը, 21 Յունար 1921-ին, Անգարայի կառավարութեան ուղղած մէկ յուշագրով, պատճէնը Մոսկա, արտաքին գործերի կոմիսար Չիչերինին բողոքում էր թրքական ներկայութեան եւ խառնակցութեան դէմ Ալեքսանդրապոլում եւ Կարսում. եւ Բէկզադեանը դրա դարմանը գտնում էր Ալեքսանդրապոլի եւ Կարսի հիւսիսային եւ արեւելեան շրջանների դատարկման գործում: Այս յուշագիր – հեռագիրը մնաց անպատասխան թէ՛ թուրքերի եւ թէ՛ Մոսկայի կողմից:

2.- Փետրարեան ապստամբութիւնից քիչ յետոյ, թէ՛ Մոսկան եւ թէ՛ Թուրքիան իմանալով այն որ Հայաստանը բացարձակապէս անօգնական է մնացել, չի կարող երկար դիմանալ եւ ուսական գորքի ուժով նորից պիտի ճնշւի ու

գրաւի, Մոսկւայի մէջ բանակցութիւններ սկսեցին, իրենց միջեւ գոյութիւն ունեցող մնացած հարցերը լուծելու համար: Բանակցութիւնները վերջացաւ 1921 Մարտ 16-ին Մոսկւայի դաշնագրի ստորագրութեամբ:

3.- Այդ բանակցութիւնների ընթացքում Մոսկւայում էին Կասեանի Յեղկոմի ներկայացուցչութիւնը, Ալ. Բէկզադեանը եւ Սահակ Տէր Գաբրիէլեանը: Խորհրդային Ռուսաստանի համար Երեւանի մէջ տեղի ունեցածը միայն մէկ «ապրաստամբութիւնը» էր եւ Հայաստանի «օրինատը» կառավարութիւնը Յեղկոմի կառավարութիւնն էր. մանաւանդ որ այդ կառավարութիւնը Հայաստանից դուրս չէր եկել եւ գտնուում էր Դաւալուի շրջանում, զրահապատ շոգեկառքի մէջ:

4.- Հակառակ այս իրողութեան, Թուրքիայի պնդումի վրայ, Սովետական Հայաստանի պատիրակութիւնը (ինչպէս նաեւ Կովկասեան միւս ազգերի անունով գործող պատիրակութիւններ) այդ համաժողովի աշխատանքներին չմասնակցեցին (այս մասին տեսնել Ա. Եսայեանի սրանից առաջ յիշատակած գիրքը էջ 342): Թիւրքերի առարկութիւնը այն էր, որ իրենք լիազօրած չեն Հայաստանի հետ բանակցելու, (էջ 343) որով, ըստ Եսայեանի «Հայաստանի, ինչպէս նաեւ Անդրկովկասի միւս հանրապետութիւնների շահերի պաշտպանութիւնը ռուսաստանեան պատիրակութիւնը վերցրեց իր վրայ»: Աւելի պարզ բառերով նշանակում է, թէ՛ Սովետական Ռուսաստանն ու Թուրքիան իրար հետ համաձայնութեան եկան եւ Սովետական Ռուսաստանը վճռեց Հայաստանի եւ նրա սահմանների ճակատագիրը (Արդեօք Մոսկւայում գտնուող Խորհրդային Հայաստանի պատիրակութեան կարծիքը հարցւեց. չգիտենք, սակայն Մոսկւայի դաշնագրի արդիւնքից դատելով, պէտք է եզրակացնենք թէ՛ Չի առնել հայոց կարծիքը կամ էլ նկատի չի առնել):

5.- Մոսկւայի Մարտ 16-ի դաշնագիրը աւելի ցաւալի ու անօթալի է, քան Ալեքսանդրապոլի դաշնագիրը:

Ալեքսանդրապոլի դաշնագրով, Կարսի նահանգն ու Սուրմալուն մինչեւ երեք տարի վիճելի էին համարւել, որի ընթացքում Հայաստանի կառավարութիւնը կարող էր հանրաքիչ հաւաքել, այդ նահանգների վերջնական վիճակը պարզելու համար:

Մոսկւայի 1921 Մարտ 16-ի դաշնագրով այդ տրամադրութիւնը ոչնչացւել էր եւ այդ նահանգները վերջնականապէս յանձնուում էին Թուրքիային:

Ալեքսանդրապոլի դաշնագրի ստորագրողը յաղթած

Հայաստանի Հանրապետության կառավարությունն էր, որ այդ ձեռով Հայաստանը ազատում էր թրքական յարձակումից եւ ապագայ Խորհրդային կառավարության այն կարեւրությունն էր տալիս որ Ալեքսանդրապոլի դաշնագիրը չՋնանաչի, որպէս այլեւս իշխանութիւնից ընկած կառավարութեան կողմից ստորագրած մի դաշնագիր:

Կարսի դաշնագիրը ստորագրող Խորհրդային Ռուսաստանը, որ հայկական հողերը առատաձեռնօրէն եւ վերջնական ձեռով նւիրում էր Թուրքիային, ի՞նչ պարտութիւն էր կրել որ այդպէս մի դաշնագիր էր կնքում:

Ալեքսանդրապոլի դաշնագրով, երեք տարի վիճելի եւ անորոշ վիճակի թողնած Կարսն ու Սուրմալուն, առանց ոչ մի պատճառի ու փոխարինութեան նւիրելով Թուրքիային ի՞նչ եւ ո՞ւմ քաղաքական շահերն էր պաշտպանում Մոսկւան. հայ ժողովրդի, Հայաստանի... Հայաստանին օգնութիւն հասցնելու համար էր որ այդ հողերը նւիրում էր Թուրքիային: Փետրարեան ապստամբութիւնը ի՞նչ կապ ունէր այդ հողերը Թուրքիային զիջելու հետ: Ընդհակառակն, հայ ժողովրդին բարեկամ ներկայանալու համար ամենից լաւ առիթըն էր, այդ օրերին Թուրքիայից զիջումներ ձեռք բերելը ի նպաստ Հայաստանին, մի բան որ պիտի աւելացներ ռուսական եւ համայնավարական վարկը Հայաստանի եւ հայ ժողովրդի մօտ:

Աւելին,

Ալեքսանդրապոլի դաշնագրով Նախիջեանի ու Շարուրի շրջանները թրքական հովանաւորութեան տակ ժամանակաւորապէս ինքնավարութիւն ստացան մինչեւ իրենց վիճակի պարզելը: Անկասկած ծանր էին այս պայմանները. բայց աւելի քիչ քան Մոսկւայի դաշնագրի պայմանները: Մոսկւայի դաշնագրով Շարուրն ու Նախիջեանը յանձնում էին Ադրբէյջանին եւ վերջինս իրաւունք չունէր դրանք փոխանցելու մի երրորդ կողմի (այսինքն Հայաստանին):

Ի՞նչ կապ կայ Փետրարեան ապստամբութեան եւ Մոսկւայի այս զիջումների միջեւ, այդ ի՞նչն էր որ Մոսկւային արգիլում էր ասելու թէ՛ «ինքը իրաւունք չունի առանց Հայաստանի եւ հայ ժողովրդի մասնակցութեան ու համաձայնութեան, նման հողային զիջումներ կատարելու. քանի որ Լենինը յայտարարել էր ազգերի ինքնորոշման իրաւունքը»:

Ո՛չ. Փետրարեան ապստամբութիւնը չէր, որ Հայաստանի հողերի ճակատագրին խիստ հարածեց եւ անջատեց այն ի շահ Թուրքիայի. այլ Մոսկւայի ղեկավարու-

Թեան որոշումն էր, Սովետական Ռուսաստանի «շահերի պաշտպանութեան», դժբախտաբար սխալ մէկնակէտով:

Նոյն սխալը շարունակեց նաեւ հետագային:

6.- Հետագային, երբ Թուրքի հարց չկար, այլ միայն ներքին հարց գոյութիւն ունէր, Սթալինեան սահմանադրութեամբ Ախալքալաքն ու հայկական Լոռիի մէկ մասը յանձնեցին Վրաստանին եւ Ղարաբաղը՝ Ադրբէյջանին: Արդեօք դարձեալ Դաշնակցութեան Փետրարեան արկածախնդրութեան հետեանքն էր այս բոլորը:

7.- Ռուսաստանի ու Թուրքիայի միջեւ ստորագրած Մոսկայի դաշնագիրը՝ որը կատարել էր փաստօրէն առանց հայերի, նորից գրեց եւ ստորագրեց 1921 չոկտեմբեր 13-ին, այս անգամ մասնակցութեամբ կովկասեան ազգերի եւ խորհրդայնացած հանրապետութիւնների ներկայացուցիչների՝ Կարսի մէջ: Հայերը երկու չնչին խնդրանք էին կատարել, Անին եւ նաեւ Կովկասի համար կենսական արժէք ունեցող Կողբի աղահանքերը թողնել Հայաստանին կամ զոնէ տալ օգտագործման մենաշնորհը: Երկու առաջարկներն էլ Թուրքիայի կողմից մերժեցին եւ Խորհրդային Ռուսաստանի պատիրակութիւնը ոչ մի պնդում, ոչ մի կըտրուկ ու վճռական պահանջ, ոչ մի սպանալիք չկատարեց: Արդեօք դարձեալ Փետրարեան ապստամբութեան պատճառով...

Ոչ:

Համայնավար պատմագիր Բորեանը պարզօրէն բացատրել է Հայաստանի հաշին տեղի ունեցող հողային այդ զիջումների պատճառները, երբ գրել է «Արմենիա» գրքի մէջ՝ «Հայաստանը Սովետականացնելուց յետոյ մաքսիմալ տերիտորեալ զիջումներ կատարեցին Թուրքին ի հաշիւ Հայաստանի... ինքնին հասկանալի է, որ սովետական դիւանագիտութիւնը հաշիւ էր առնում Թուրքիայի քաղաքական նշանակութիւնը Արեւելքում՝ ընդդէմ արեւմտեան իմպերիալիզմի, այլ ոչ թէ Թուրքերի ըէալ ուժը, որոնք զավթել էին Հայաստանի տերիտորիայի մի մասը՝ դաշնակցական կառավարութեան օրօք: Դիւանագիտութեան առաջ խնդիր էր ծառայած՝ իմպերիալիզմի դէմ միջազգային յեղափոխութեան շահերի համար վաւերացնել Թուրքերի զավթումը»: (Բորեան, «Արմենիա», հատոր երկրորդ էջ 285):

Այս բոլորը տեղի ունեցան Փետրարեան ապստամբութիւնից յետոյ. սակայն միայն թաւկանի կարգով յետոյ են, եւ ոչ թէ պատճառական կարգով. սրա ապացոյցն է Սթալինի

«ընկեր Լենին,

Ես երէկ իմացայ, որ ընկ. Ջիչերինը թուրքերին ուղարկել է ինչ որ մի յիմար ու պրովակացիոն պահանջ Վանի, Մուշի եւ Բիթլիսի մաքրման մասին – թրքական գաւառներ, թուրքերի հսկայական գերակշռութեամբ – յօգուտ Հայաստանի: Այդ հայկական իմպերիալիստական պահանջը չի կարող լինել մեր պահանջը: Պէտք է արգիլել Ջիչերինին Թուրքիային նովթայի առաքումը՝ հայերի նացիոնալիստական յամառ թելադրանքի տակ:

ՍԹԱԼԻՆ»

Հայ ժողովրդին «իմպերիալիզմ» վերագրած ժամանակ, Հայաստանի խորհրդայնացած էր եւ դեռ Փետրարեան ապստամբութիւնը տեղի չէր ունեցել: Ոչ միայն այդ, այլ Հայաստանի հողերի մէկ մասը թրքական գրաման տակ էր մնում եւ Ալեքսանդրապոլի համայնավար Յեղկոմը դիմում էր (1921 Յունարին) Հայաստանի Յեղկոմին, Սովետական Ռուսաստանի ժողովրդական կոմիսարներին խորհուրդին, Կոմինտերնի գործադիր խորհուրդին, բողոքելու համար Թուրքիայի գրաման անմարդկային մեթոդների դէմ՝ աքսոր, կողոպուտ եւ կոտորած: Այդ հեռագիրը յող Սթալինը անձանօթ չէր հազիւ վեց տարի առաջ տեղի ունեցած ցեղաւրսպանութեան փորձին, որի հետեանքով էր միայն, որ Վանի ու Բիթլիսի նահանգները կամ Հայաստանի որեւէ նահանգ դարձել էր «թրքական գաւառներ, թուրքերի հսկայական գերակշռութեամբ»:

Այս բոլորն իմանալով հանդերձ, Փետրարեան յեղափոխութիւնից առաջ, Սթալինը պահանջում էր թուրքերին զիջումներ անել ի վնաս հայ ժողովրդի եւ Հայաստանի. եւ իսկապէս Ջիչերինի նովթաները շոտով չէզոքացնեցին եւ այդ բոլորին փոխարինեց Մոսկայի 1921 Մարտ 16-ի դաշնագիրը, որտեղ թուրքիան լրիւօրէն գոհացում ստացաւ եւ հայ ժողովուրդը ու Հայաստանը զոհնեցին սովետական Ռուսաստանի միջազգային շահերի ապահովման համար:

Դժբախտաբար Սովետական Ռուսաստանն առաջնորդւում էր պատմութեան, աշխարհագրութեան եւ ժողովուրդների նկարագրի սխալ արժէքաւորումով, սեփական շահերի ոչ առողջ, անկայուն եւ վերջին հաշուով՝ աննպաստ ուղղութեամբ, եւ մինչեւ այսօր շարունակում է առաջնորդել



Թուրքիային ի նպաստ քաղաքականութեան ճամբով. փոխանակ առաջնորդի ճիշտ հակառակ մտածողութեամբ, - որը միակ իրական լուծումը պիտի բերի Հայկական բարձրրավանդակի շուրջ եւ դրա համար տեղի ունեցող պայքարներին եւ պատերազմներին. - այսինքն այդ լեռնաշխարհը ամբողջական ձեով վերադարձնել այն ազգին, որը դրա միակ իրաատէրը լինելուց բացի, միակն է որ կարող է այդ վերածել կենսունակ, բոլորին օգտակար ու բարեկամ, ծաղկած մի երկրի, որ փոխանակ տեսական գլխացաւանք, խընդրարկու կամ կռախնձոր լինելու, դառնայ կամուրջ բարեկամութիւնների եւ քաղաքակրթութիւնների:



